

ATODLEN 2

Rheoliad 42

Rheolaeth ar waith sy'n effeithio ar henebion cofrestredig

- 1.**—(1) Mae Gorchymyn 2016 yn gymwys gyda'r addasiadau a ganlyn.
- (2) Rhaid darllen erthygl 15 (derbyn ceisiadau), yn achos cydsyniad o dan adran 2 o Ddeddf 1979 (rheolaeth ar waith sy'n effeithio ar henebion cofrestredig), fel pe bai'r cais yn dod gydag—
- (a) un neu ragor o'r tystysgrifau a restrir ym mharagraff 2 o Atodlen 1 i'r Ddeddf honno⁽¹⁾ wedi eu llofnodi gan neu ar ran y ceisydd; a
 - (b) yr eitemau a restrir yn rheoliad 2(2) o Reoliadau Henebion (Ceisiadau am Gydsyniad Heneb Gofrestredig) 1981⁽²⁾.
- 2.**—(1) Mae darpariaethau'r Rheoliadau hyn yn gymwys mewn perthynas â rhoi cydsyniad o dan adran 2(3) o Ddeddf 1979 yn ddarostyngedig i'r addasiad canlynol.
- (2) Yn rheoliad 2 rhaid darllen y diffiniad o "person penodedig" fel "yw'r person a benodir gan Weinidogion Cymru o dan baragraff 3(2)(b) o Ran 1 o Atodlen 1 i Ddeddf 1979".

⁽¹⁾ Gwnaed diwygiadau i Atodlen 1 nad ydynt yn berthnasol i'r Rheoliadau hyn.

⁽²⁾ *O.S. 1981/1301*. Mae Rheoliadau Henebion (Ceisiadau am Gydsyniad Heneb Gofrestredig) (Ffurflenni a Manylion Cymraeg) 2001 (*O.S. 2001/1438*) (*Cy.100*) yn rhagnodi'r fersiwn Gymraeg o'r ffurflenni perthnasol.